

SIAYĒKEMACA SIABAI KĒOJĒNA KAYAYE KUI'NE JĒNA, PAIYE KAWESOSE'EPI
SIAYE TUTU PAYE JAI TSUTSUPĒA OMETĒKANA

NUÑTEREPA SIA'WE'ÑA CAHUESOSE'E MAI PAI KĒKOPAYE

Kaya jĕña kou Kĕna ometĕkawĕ sia'we'ña sewojĕ kui'ne canĕowĕ si'aye pai paija'ñe
tutukĕ'ye, ĭti kĕaye kato pai'ji iye ñese saieoni. Icona tsoe paikona ñajĕ, jaipai
tsi'sisito kakua'i señĕ ĭti toyapĕpĕ kĕawesojĕ'ĕ sia'we'ña, jamaka ñasiko paija'kore
siapai, kui'ne kĕajĕ paija'cua'ire toyaja'o ye'yewe'ñaje, yeke pa'yea'ĕ kajĕ ñaņeje
peoye ĭ wa'i kuasajĕ nese'e yekĕ yeja pai.

Ja'a wĕoko

Kase'epi de'oye, kĕne kui'ne jeoņe payĕ jaje, sia'we'ña ñase'erepare sa'nawĕ payĕ
sia'yĕ'kĕ maka tutu, kui'ne sioma'ñerepare sia'pai tsĕkapĕ pai'ye.

Jaje paikĕta'a kuasayĕ ñama'ayepi kui'ne oima'ayepi, pa'iji sia'paire, japi ai jaiye ñese
saniwesĕji pai pa'ijĕ kuasaye, kui'ne aijerepa kawesose'pi, jaje pa'ina kokase'e kayĕ
de'oye pa'iyē kui'ne de'oye pa'iyĕ kuasajĕ sewoye.

Jaje paise're yure kato ñasikua'irepa kui'ne kĕkopakua'i pa'iyē pa'iji, kua'ye pa'ise'e
jeoni paimakata'a pa'iyē pa'iji nejo ma'kua'i.

Jamakata'à ñese de'oyerepa ñese saiye siwajĕ kui'ne pa'iyĕ yekĕwe'ña ñasikua'irepa.

Yekĕwe'na yejaña kato de'oyerepa kuasani kuinaoni kanĕowesĕwĕ. Toya ja'wana pai
tutukĕiwa'i paija'ne, de'oyerepa kui'ne iwa'irepa'ĕ kajĕ, si'ayĕkĕmaka ĕmĕowa'i kui'ne
nomiowa'ije koni, tsoe jaje pa'ina jeowesowĕ ai jai kore, de'oye pa'iyerepare kasikua.

Iye kuasaye cato sewosikua kadĕowesĕja'core, oiyerepapi si'aye kuasajĕ,
tsi'sisikua'ija're kawesĕ ja'ņe, si'aye oiye kui'ne tutukĕ'yerepa pa'ija'ņe jamakata'a
kuade'oye pa'iyē pa'iji pal.

Iye kato kuasase'ea'ĕ si'aye tutupa'iyē, jaje pa'ina iye kato ai de'oyerepa'ĕ ĭti ñese
saija'ñere kuasajĕ sewowesĕse'ea'ĕ.

Tsi'sini jai pai koka kako

Jĕaye kawesoyĕ yure

Si'aye pai tutu pa'iyē kĕawesosikua, ikore kato si'a daripĕa kui'ne jaiwe'ñaje nesaoye
pa'iji, te'owa'imañaje kui'ne kua'mē kokaiwe'ñamañaje, ñese saye pa'iji de'oye kajĕ,
jamakata'a si'adaripĕa pa'iyē pa'iji de'oye kui'ne yeja pa'iyē cĕni kĕkojĕ.

Te'o ako kĕaye.

Si'apai aide'oyĕ kua'ye peoye kui'ne siayĕ'kĕ maka pa'iyē kui'ne tutupaye koni, jaje
kuasase'sĕtepi kuaju'i'ne peoye ñese saiye pa'iji kĕkaijĕ yekĕ paireje.

Kayaye ako kĕaye

Si'a pai payĕ tutu kui'ne kua'ye peoye yure ikore ai jĕaye kawesosido'ire, jaje pa'ina
ñaņe peoji yekĕ paiña'ĕ kajĕ, iyeje pa'yere, pai, koka, iowa'i pa'iyē, kuasaye, pani
iyese'e kayepañĕ kuasia'ye pa'ye, kuri pa'ye, aideo'ye kui'ne kuasi'aye pa'iyē.

Kui'ne yekeje pajakua'ia'ĕ kaye yeke iwa'i kuasayepi iyea'ĕ kajĕ aijaidaripĕa

sia'we'ñaje paniye yeja paiñeje iti paipi kuasajë neñe pa'iji, jai daripëa kaye kato te'owaise're kañeje pa'yea'ë, iwa'ise'e kuasayepi nejë.

Toasoñe ako këaye.

Teo'wa'ije payë de'oye tutu pa'iye, kua'ye peoyeje koni, kui'ne këcojë pai pa'iye.

Kajese'e ako këaye.

Si'awa'i pa'iye peoji kua'ye jëaye pa'ye kajë, kui'ne kua'ye yo'okuañuñeje peoji, iye kato ësese'ea'ë sia'ye pa'ye.

Te'jëtë ako këaye.

Jare si'apai kua'ye yo'okuañoñe tipeoji, të'caye, tseañe, wanijeañe paniye ai kuaye pa'ye.

Te'e jëtë Ējatupë këako.

Si'apai payë tutu, sia'we'ña kui'ne ñakuañuñeje pa'iji pai karepase'e pa'iye.

Ējatupë kënope.

Si'apai pa'iyë sia'yë'këmaca kui'ne payë yekua'ia'ë kaye peoye, jaje pa'ina Si'awa'i payë tutu karepaye akëpai kë'ro. Jaje pa'ina mai tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'ñe.

Kayaye te'ejëtë ako këaye.

Si'a pai tutu payë de'oye pa'iyere kuasajë yekëwe'ña sañupe kajë, mai kase'pi kokaijakë kua'ye yo'oma'kuai'ni kajë mai tutu kë'ye paiye, jeje paina maire toyapëpëpi kakorepa pa'ijakë.

Te'e jëña Ējatupë peoye këako.

Jare peoji mal tsea kuañuñe.

Kaya jëña ako këako.

Si'a pai payë deoye paiye, si'ayë'këmaka paiye, jamakata'a sia'we'ña asasaoye pa'iji kui'ne oirepayepi kua'ye paise'eje carojaiye pa'iji kui'ne kuañeñe paiji neñañe paiji kuasia'ye pa'ye iti kase'e sa'ñe pa'iye.

Kayajëña te'o ako këako

Si'a pai kua'ye yo'o sikua'i payë tutu iwa'i yo'ose'e jayuta'a iti ñati'añe pa'iji do'ikë'ye, iti kase'je paiye, kui'ne kaye paiji sia'we'ña jamaka kase'repa pa'iji tutu pa'ye.

Si'a pal peoji kua'ye paye painije siokuañuñe ja yuta'a ñati'ama'maka kato, jaje pa'iji tutu pa'ye yekë daripëa paiyeje. Jaje paina peoji maipi caye de'oye nede'waë'ëje pa'yere aijerepa kua'yena saiye peoye.

Kaya jëña kayaye ako këaye.

Mai teowa'i paiye kato peoji kaye kua'maña'ë kajë ñese kaye, mai tsëkapëreje, mai paiwe'ñaje paniye ise'e pa'ito peoji kua'aye neñeje peoji ipi kuasakë pa'iye. Jaje pa'ina si'a pai payë de'oye pa'iye, jaje paina nejo jeoñe paiji kua'ye paise'e.

Kaya jëna kayaye te'o kako këaye.

Si 'a pai payë deoye daoye sia'we'ña kui'neje yeja pëañeje koni.

Si 'a pai payë tutu kuasi'adaripëa, ipaidaripë, jaje saisikëre ta'a ko'ie pa'iji i mai daripëna.

Kaya jëña Ėjatupë peoko ako këaye.

Kue'kua'i pa'ito, sia'pai payë tutu kë'ye payë katiye paiji kuasia'yejaña, jamaka siwajë pa'ie pa'iji iti ku'ase'e.

Iye pa'ye kato peoji sa'ñe kua'ye neñe, kua'ye payena, panije sa'ñe kayeje peoji yekë jaiwe'ña pai yejaña'ë kajë.

Kaya jëña yekë jëtë ako këaye.

Si 'a paije tutu payë pai paiyerepa

Jare peoji ëseye i pa'iwe'ña yeja akëre, yekeje tipeoji kaye yëkë pa'ineje paijë'ë kajë.

Kaya jëña yekë jëtë te'o ako këaye.

Ėmëowa'i kui'ne nomiowa'i, jayuta'a ëañawëomakapi tsoe payë tutu, kaye peoji kaje paiña'ë, iti pai'ë kajë wejaye, jamaka wejani siwajë pa'ie pa'iji kuineje pa'iji jeokoni de'oye pa'ie itibi jaje pa'ito.

Iwa'ise'e kuasajë kui'ne ëjëpaija'këpi kuasani wejaye pa'iji.

Paitsëkapë Kato de'oye paiyere'pa'ë jaje paina ñacairepayë sia'we'ña akë pa'ije.

Kaya jëña yekë jëtëkayaye ako këaye.

Si'a pai payë tutu pa'ie yeja, te'iwa'i kui'ne si'apai de'otsëcapëa.

Jare peoji yë'ë tsekua yeja kajë ëseye.

Kaya jëña yekë jëtëkayaye te'o ako këaye

Si'apai payë iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne koka kaye kuasia'ye sia'we'ña paiwe'ñana, panije te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jëña yekë nëkayo beoko ako këaye.

Te'owa'ije de'oye payë iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuañujë paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ñere.

Jëña-nëkañua

Si'awa'i te'owaise'e tsi'sini koka kaye payë kuasia'hue'ña.

Jare peoji kuañeñe yekë tsëkapëna tsioni paiye.

Jëna-nëkañua - te'o

Si'a pai payë tsiojaiye mai akërepa kë'ro, ikë'rorepana te'repapi panije yekë paija're

koni iti ñakēja're.

Si'a pai tutupayë si'ayëkëmaka paiye kua'me nedojaye mai paiwe'ña yeja.

Itidaripëa paikua'i kato payë sia'we'ña akua'i kayere, iye kato kokaiji kaji mai ëjaëwa'irepare mëojë saiye, iti mëoñe kato neñë yawese're, japi kokaiji de'oye karepayepi mëose'e.

Jëña-nëkañua kayaye

Si'a pai, ititsëkapëje paiwa'i payë kadëose'repare kuasi'aye kui'ne jaje pa'ina si'a akëpai kokaiye paiji, ja tutu do'ire kuasajë, jaje pa'ina tsoe kuasase'pi kuri pa'ie, kuasi'aye kui'ne maipaiye, iye kato mai kuasayepi nesaojë paiye paiji sia'yëkë maca pa'yepi .

Jëña-nëkañua toasoñe

Si'a pai payë kua'me nedojaiye kuasia'we'ña, iwa'i yëyepi tia'ñe paiji kua'meneñe, jaje paikëreta'a si'ayë'këmaka paipi, jaje paina kua'ju'iñe peoye kua'me newe'ña tra' ni, nejë pai'ye baiji, peokua'i pa'ie peoji.

Si'a pai payë kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payë kui'ne ja'ñe pa'yë, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsëcapëje deo'ye kuasajë baija'ñe, io paire kañeje paiye, yekebi karasiko pa'ito neti'añe pa'iji.

Si'a pai payë tutu iwai'pi kuasajë tsi'sini neñe, iwa'i yëyere.

Jëña-nëkañua Kajese'e

Si'a pai payë tutu kua pëawajëjë pa'ie, siwajë pa'ie ioja'ye kua'mene' ometëkawë tia'seja'ye kui'ne iye pa'ie kato sa'neñe pa'iji.

Jëña-nëkañua jëtëna

Si'a pai payë mai paiye kadëose'repare, iye pa'yere, mai pai, jujukaiwe'ña kui'ne de'oye paiye sia'ye, aq aiñe, kaña ju'ie, wë'ña pa'ie, juikua'ire jujukaiye kui'ne kuasia'ye, yeke payë kui'ne pa'ye kua'me newe'ña paiwe'ña peoye, juidawë, do'ima'pai, aipë maña, iyese'e paiyeje pani kuasia'ye iwa'i te'owa'i pa'iñeje pa'ye.

Kui'neje pa'ye ëtapë këiwa'i kui'ne tsi mana payë tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payë kui'ne pa'i tuture.

Jëña-nëkañua jëtëna te'o

Si'apai payë kui'neja'ñe totyaja'o ye'yeye. Toyaja'o ye'yeye kato peoji doiye ja'a ye'yehuëje pa'ye kato. Ja'a ye'yewëoye kato ai kuañeñe pajija'kua. Kui'ne toyaja'o nekaikua'repare kato ai jaiye nesaose'e pa'ijakua, kui'ne aijerepa aye toyaja'o ye' yeye kato' kui'ne paiji sia'waire, iq ai do'iko do'ire.

Toyaja'o ye'yeye kato mai pai de'oyerepa pa'ija'ñea'ë, jaje paina toyaja'o kato itirepa'ë sia'we'ña mai kua'ju'ijë pa'ie, de'oye pa'iyë kajë, paire sa'ne oijë koka kaye, japi pa'ina mai ñese saiye pa'iji, siwajë.

Pëkaja'këpi ñani tseañe paiji toyaja'o ye'yeye i mamakëre kokaiyere kuasani.

Jëña-nëkañua jëtëna kayaye

Mai aipë ukujë paise'e sia paije payë ukuye mai pa'idaripëakë'ro, siwajë mai tsea'ë kuasajë kui'ne tideo'ye paito tia'ñepa'iji.

Si'a pai payë iwa'i yëyepi toyaja'o nesaoye, iwa'i kuasayepi, netijini jaiye toyapëpëa etosaoye, jaje paita'are te'owa'ise'e paye pa'iji iti toyapë akë.

Jëña-nëkañua jëtëna- toasone.

Iye maire carepawesose'e kato si'a pai tutu paye pa'iji yekë yejaña kë'roje ñase'repa, jaje paina itirepa pa'ie paiji iye.

Jëña-nëkañua jëtëna kajese'e

Si'a pai payë maire kuañese'e mai pa'idaripë kë'ro, maipi de'oye nejë de'oye neto saji mai paiye.

Iye neñañekato mai këkopayea'ë kui'ne siwajë paiye, kato sia'pai paija'kua'ia'ë toyapë akëpai kase'pi, itikato kanëose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyére kajë sia'we'ña mai yëye pa'yere.

Iye tutukë'ye kato peoji yekua'ipi dekakaiye iti paiye kui'ne iti tsoe yekëwe'ñaje kase'e pa'ito.

Jëña-nëkañua jëtëna.

Jare iye kawesosikore jare peoji yekë paipi iwa'i kuasayepi dani nejë neño'o kajë nedojaye, paije te'e pai dani iye kato akëpai tsea'ë kajë kuasia'ye nedojaiye peoji, iye kato tsoe kawesosikore.